



**LAPORAN LIPUTAN MEDIA HARIAN  
SABTU 8 JULAI 2023**

BIL	TAJUK KERATAN AKHBAR	KEMENTERIAN / JABATAN / AGENSI
1.	HUNGARY TAWAR JADI PINTU MASUK PRODUK AGRO MALAYSIA KE EU, SH -ONLINE	KEMENTERIAN PERTANIAN DAN KETERJAMINAN MAKANAN (KPKM)

UKK KPKM

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN KPKM, JABATAN DAN AGENSI SAHAJA)

## Hungary tawar jadi pintu masuk produk agro Malaysia ke EU



Mohamad

PUTRAJAYA - Hungary telah menawarkan kepada Malaysia untuk menjadikan negara Eropah itu sebagai pintu masuk bagi produk pertanian dari Malaysia memasuki pasaran Kesatuan Eropah (EU).

Tawaran itu dibuat oleh Menteri Pertanian Hungary, Istvan Nagy kepada Menteri Pertanian dan Keterjaminan Makanan, Datuk Seri Mohamad Sabu semasa rundingan dua hala mereka di Budapest pada 6 Julai lepas.

Menurut kenyataan yang dikeluarkan Kementerian Pertanian dan Keterjaminan Makanan (KPKM), kedua-dua menteri berkenaan telah mengadakan perbincangan mengenai cadangan kerjasama dua hala dalam bidang pertanian terutamanya berkaitan akses pasaran, pertanian moden dan penyelidikan demi faedah bersama.

Mohamad dan Nagy semasa pertemuan tersebut turut menandatangani memorandum persefahaman (MoU) kerjasama pertanian dalam usaha bersepodu untuk mengukuhkan hubungan dua hala dan kerjasama dalam bidang pertanian.

"MOU ini akan menjadi peluang untuk meneroka akses pasaran baharu bagi produk pertanian Malaysia bagi meningkatkan keseimbangan perdagangan pertanian antara kedua-dua negara," kata Mohamad seperti yang dipetik dalam kenyataan itu.

Nagy dalam kenyataan itu juga dipetik sebagai berkata Hungary bersedia untuk meningkatkan kerjasama dalam penyelidikan benih dan agrogenetik, pertanian pintar dan pendigitalan yang ditekankan dalam pertanian menawarkan potensi untuk membantu menangani cabaran dalam produktiviti, kemampunan dan perubahan iklim. - Bernama